

« Diagnosticando »

Don Jesús, apellidáu Pérez-Gil y de la Huerta, tá na cama fastidiáu y col mal naide-y acierta.

Fueron velu unos vecinos que suelen salir con él cuando van per ehí de vinos, que son Cristán y Fidel.

Chus ye home que suel comer tubérculos, grandes dosis.

Diz-y Fidel:— Vas tener seguru, "tuberculosis".

— ¿Qué te dixo don Xavier  
— diz Cristán— dirá dos dies que te vieno a casa a ver?.

¿Qué te dixo que tenies?.

— El mélicu cabecera,

— contestó al amigu Chuso— dixome que nun comiera tantas patates, qu'abuso.

Yo cumté-y lo que comía.

Fortillina p'almorzar, cachelos al mediudía y unes frites pa cenar.

Diz Cristán:— Lo que tuviesti digotelo yo Jesús.

Tantes patates comiesti que tuviesti un "patatiús".

« Ca un a lo d'él »

Taben Genén "el Petaca" y Salustianu el de Mon, los dos de conversación nel chigre de "la Resaca".

Ye aficionáu el primeru a les motos de carrera, y l'otru dicen que yera llabraor y ganaeru.

— Colo que toi aforrando yá fai tiempu, diz Genén que yá tá que nun se tien, ¿sabes lo que toi pensando?, en comprar una "Montesa".

Salustianu al replicar diz él:— Yo quiero comprar una vaquina "holandesa".

Diz mirándolu "el Petaca":

— Acabo d'imaxinar, qué ridiculu vas tar montáu encima una vaca, p'acelerála y que corra.

Y va y diz-y el fíu Mon tirando del pantalón y retorciendo la gorra:

— ¡Vaya guasa que te noto al dicímelo Genén!.

Vas a paecer tú bien cuando ordeñes el amoto.